

RESOLUCIÓN POLA QUE SE AUTORIZA O AUMENTO DE CORDAS NOS POLÍGONOS PORTONOVO A, PORTONOVO B, BUEU A1, BUEU A2 E BUEU B.

Feitos

1. O 12.06.2026 a Organización de Produtores de Mexillón de Galicia (OPMEGA), e o 15.06.2026 a Asociación de Mexilloeiros de Combarro e Raxó (AMECONRA) presentan unha solicitude, motivada polos peches de biotoxinas que imposibilitan a comercialización do mexillón e provoca a acumulación nas bateas, para que se autorice nos polígonos Portonovo A e Portonovo B o aumento de 100 cordas de engorde para a batea, para realizar labores de cultivo, desdobre, cría, colectores ou estocado de sacos.
2. O 15.06.2026 a Organización de Produtores de Mexillón de Galicia (OPMEGA), fai extensible esta petición os polígonos Bueu A1-A2 e Bueu B.

Consideracións legais e técnicas

1. A Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, regula no capítulo III do título V as concesións de actividade na zona marítima.
2. O Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia, modificado polo Decreto 174/2002 do 10 de maio, no artigo 35.2 establece que cando nun período determinado se presenten de modo persistente e continuado fenómenos medioambientais excepcionais, tales como fortes temporais ou episodios de fitoplancton tóxico, que impidan levar a cabo o ciclo normal de produción ou repercutan gravemente no de comercialización, a delegación territorial dentro do ámbito da súa competencia, poderá autorizar por resolución motivada o incremento do número de cordas de engorde en determinados polígonos con carácter temporal, previa petición da maioría das entidades representativas do sector, e informe da correspondente unidade técnica administrativa. A autorización cesará no seus efectos cando fundadamente se estime que desapareceron as especiais condicións determinantes da medida.



3. O 02.07.2026 o Subdirector Xeral de Acuicultura e o Xefe do Servizo de Innovación Tecnolóxica da Acuicultura, emiten un informe no que indican que non observan inconveniente en que se resolva favorablemente o aumento de 100 cordas baixo unha serie de condicións.

4. O informe do Intecmar de situación das zonas de viveiros flotantes do 02/07/2026 (Nº SZ000227/26) indica que os polígonos Portonovo A, Portonovo B, Bueu A1, Bueu A2 e Bueu B, atópanse pechados para a comercialización de mexillón por biotoxinas.

De acordo con todo o indicado, RESOLVO

Autorizar a colocación de 100 cordas máis das 500 xa autorizadas para preengorde, engorde ou para a colocación de mexillón estocado en sacos nas bateas dos polígonos Portonovo A, Portonovo B, Bueu A1, Bueu A2 e Bueu B, baixo as seguintes condicións:

- Nas cordas só se pode encordar ou estocar en sacos mexillón procedente da propia batea.
- O número de cordas con sacos por batea non excederá de 100. As cordas terán unha lonxitude máxima de 12 m.
- Estas cordas deberán estar claramente identificadas mediante una marca de cor verde de como mínimo 30 cm de lonxitude na súa parte superior.
- O número de sacos por corda non excederá de 25.
- Cada saco conterá un máximo de 10 Kg de mexillón.
- A vixencia desta autorización rematará, como máximo, un mes despois do levantamento do peche por biotoxinas do polígono afectado, rematada a vixencia os viveiros deberán volver ao número de cordas autorizado segundo a normativa vixente.

Tódolos concesionarios que fagan uso desta autorización deberán comunicar, coa antelación suficiente, á Subdirección Xeral de Acuicultura, da Dirección Xeral de Pesca, Acuicultura e Innovación Tecnolóxica da Consellería do Mar (poderá empregarse o correo electrónico servizo.innovacion.acuicultura.cmr@xunta.gal) a colocación das cordas a medida que as vaian pendurando, coa seguinte información:

- Nome do viveiro e a súa localización (polígono e cuadrícula)
- Data e o número de cordas de estocaxe e a súa lonxitude, así como o número de sacos por corda que van dispoñer





De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non pon fin á vía administrativa, poderase interpoñer recurso de alzada ante o conselleiro do Mar, no prazo dun (1) mes contado dende o día seguinte ao da súa notificación. Transcorrido dito prazo sen que o recurso fose presentado, a resolución será firme a tódolos efectos.

A directora territorial

Por suplencia (Resolución do 13/05/2024)

A xefa do Servizo de Pesca, Acuicultura e Innovación Tecnolóxica

Carmen de Benito Caula

